



Pou Piblikasyon Imedya: 21/04/2021

GOUVÈNÈ ANDREW M. CUOMO

**GOUVÈNÈ CUOMO ANONSE YO EGZEYATE DÈNYE PASYAN NAN SANT KI
RESEVWA ANPIL PASYAN COVID NAN SANT SIKYATRIK SOUTH BEACH LAN
NAN STATEN ISLAND**

*Yo te itilize Sant sikuatrik South Beach la kòm yon espas pou resevwa anpil
pasyan ki entène akòz COVID-19 nan Staten Island depi avril 2020*

*Etablisman an pa pral sèvi ankò kòm yon sant pou resevwa pasyan COVID-19
ankò apre bès nan pasyan ki entène nan Vil New York*

Gouvènè Andrew M. Cuomo te anonse ke Sant Sikuatrik South Beach (South Beach Psychiatric Center) lan, yon nouvo etablisman Biwo Sante Mantal (Office of Mental Health) men ki pa te ouvri nan Staten Island, te egzeyate dènye pasyan COVID-19 yo a. Etablisman an te sèvi kòm yon lopital ijans depi mwa avril pase a, li te bay swen pou plis pase 1,000 pasyan pandan de (2) vag yo - li plase an dezyèm pozisyon apre Sant Javits la. Sant lan pral fèmen sant pou resevwa anpil pasyan yo a jodi a apre bès nan pasyan ki entène akòz COVID-19 la.

"Nouyòkè yo te brav ak diliyan nan konba kont COVID la epi se gras ak travay di yo a ke nou kapab fèmen Lopital teren pou COVID ki nan Sant Sikuatrik South Beach lan",
Gouvènè Cuomo te deklare "Mwen vle remèsyé doktè yo, enfimyè yo ak pèsonèl etablisman yo ki te nan premye liy yo, sa ki mete yomenm ak fanmi yo arisk, pou pran swen vwazen ak kominote yo a. Pi bon fason pou montre apresyasyon nou pou sèvis yo a se pran vaksen an epi kontinye fè bagay ki te pèmèt nou rive nan pwen sa a, gen ladan pote yon mask ak swiv mezi sekirite yo ki pral ede anpeche nouvo enfeksyon yo. Nou te fè yon wout ki long epi nou dwe rete New York solid (New York Tough)."

Sant pou resevwa anpil moun yo te premye ouvri nan dat 7 avril 2020 epi li te sispann operasyon yo nan dat 21 me 2020 an, li te trete 217 pasyon COVID. Sant lan yon fwa ankò te ouvri pòt li ankò nan dat 24 novanm 2020 epi li te fèmen nan dat 21 avril 2021, apre li te trete 805 pasyan COVID. Sant Sikuatrik South Beach lan se te sèl lopital teren ki te aktive pandan dezyèm vag la nan Eta New York epi li te premye lopital teren ki dedye ak COVID ki te ouvri nan Etazini.

###

Lòt nouvèl disponib sou sit www.governor.ny.gov

Eta New York | Chanm Egzekitif | press.office@exec.ny.gov | 518.474.8418

ANILE ENSKRIPSYON OU